

ko Ruamoengarara ratou ko ana tamariki. E hoa mehemea i u a te Arawa ki konei he aha i kore ai e kitea e Tamatekapua aua kura? To mahara pea he tawhiti atu a Whangaparaoa ki Ratanui he tata mai a Moehau. Ko Ratanui kei raro tonu i toku remu i au e korero atu nei. Maihitia ana nga otaota o te wahi i pae mai ai nga kura nei i te oanga o toku remu. Ko Ruamoengarara te tangata nana i tiki a Pou i tawahi me tona waka me Taurimaita-whiti, mona hoki te whakatauki nei, "He karere taurira ko Ruamoengarara ka hiki i te ara." Kaore au e ki atu ka pu to tautoko i te kore-ro a Takauni, eugari i tapahia e koe. Hei aha o karakia? Iaa te pao me pitipito: "Te Kura a Mahia kei Ratanui koia te tautiti." "Kei te awa i Ohuri i mau te kura, a na Mahia. nau mai e tama!" Heoi kia ora tonu koe e te hoa i te atawhai o to tatau Ariki,

N. D. H. A.

Whangaparaoa. MANHERA WAITITI.

TE OPE HOIA MAORI.

NO te 2 karaka i te Haterei te 25 o Oketopa ka u a te Tongariro ki Akarana i runga a Te Hetana me tana whanau, a Kanara Poata me te Ope Hoia Maori, pakeha. He nui te tangata i te waapu e tatari ana ki te powhiri i a ratou. No te Turei ka eke mai a Te Hetana me te toenga o nga hoia ma te Tutaneaki, ko etahi i marara i Akarana. Ko Teerici Ngatai ko Weihana Taramea me Henare Kohere no te Wenerei ka u mai ki Turanga nei. Nui atu to ratou ora, nui atu hoki te whakamihhi mo ta ratou haere. ki ana te puku i te haere, puhake ana, makona ana nga kanohi i te matakitakitanga. I puta a ratou kupu whakamihhi mo te pai o ratou aphiha, mo te pai hoki o Te Hetana. E kore nga korero e paenga wawe, me waiho ma ratou ano e whakataki. Kaati noa ki a tatou nei ki te noho kainanga ko te paepae anake i nga taringa, ko te whakamahi ranei i nga kanohi ki te titiro i Te PIPIHAKAURORA. E whakamihhi ana matou ki te pai o enei tamariki, kaore he ingoa kino. I tirohia e ratou nga mea katoa i runga i te ngakau whakaaro e whakaaturia nei nga korero i Te PIPU. Kaore ratou i whakahawe ki nga mahi maori, ki te haka, a ki ta matou whakaaro na konei ratou i ingoa nui ai. He tamariki kareti etahi o ratou otira i hihiko ki te whakaatu i nga tikanga o ratou tupuna ki era atu iwi, ko nga mea tino Maori ia o ratou i whakatomumuri ki enei mahi. He ope tino rangatira tenei.

HE KUPU WHAKAHAU.

(Te kauwhau a Rev. F. W. Chatterton ki te karakia toopu i Te Arai, Oketopa 26, 1902.)

HE kupu torutoru aku ki a koutou i mua i te mutunga o tenei karakia.

Kauni toku koa ki te kite i enei tangata katoa i roto i tenei whare o te Atua, ara nga tangata o Whakato, o Ohako, o te Pahou, a o etahi wahi hoki. Me waiho tenei hei timatanga mo te oranga hou o te hahi o tenei takiwa. Na runga i tenei me matua e tatou te kaho o te Wairua Tapu. Kia noho ia i roto i o koutou ngakau. Ko te wahi i noho ai te Wairua o te Ariki, kei reira te oranga pono, ma reira e tupu ai te whakapono me nga mea tapu katoa.

Hei ra tenei no te hari tino nui. He ra whakamoeminitanga. Me waiho tenei ra hei timatanga mo te karakia i tenei whare.

E koutou katoa e noho nei i Whakato, i Ohako, i Te Pahou, i Pakirikiri, haere mai ia Ratapu ia Ratapu ki to koutou whare karakia ki te whakaatu i to koutou ngakau whakawhetai ki te Atua mo ana mea homai noa katoa.

He mea pai te whakamine mai o nga tangata o tetahi takiwa ki te whare karakia, no te mea ko te tino wahi tenei hei huihuitanga mai mo nga tangata katoa, abakoa i tupu pea tetahi raruraru i waengamui i etahi tangata o tetahi takiwa, a i to ratou haerenga mai ki te te karakia i konei e kore e wehewehe, engari ka kotahi tonu te ahua, no te mea he whare tenei mo te katoa—a hei konei te kitea ai te aroha i ngaro ra; hei konei hoki ka kaha te mura o te whakapono, kia kuaa e tineaia.

E tumanako ana ahau kia tupu nga purapura i ruia nei e matou i enei ra kua pahure nei, ara, kia tupu ki runga ki te oneone pai. Heoi e aku hoa aroha kia mau tonu ki te kupu a Ihu, no te mea i mea a Ihu, 'Ki te mau tonu koutou ki taku kupu he tino akonga koutou naku.' 'Kia mau tonu ki te aroha noa o te Atua.' Kia u ki te inoi, kia mau tonu te aroha ki nga teina, kia mau ki nga mea i ako ra koutou, kia pumau koutou ki te whakapono, u tonu, mau tonu, te aea te whakaneke atu i runga i te tumanakotanga atu ki ta te rongo pai i rongo ai koutou.

HE PANUI.

KEI a matou etahi Katikihama hei akoranga ma te Tamariki me Nga Inoi mo nga Ratapu. Ki te whakaatu mai tetahi minita i ana e hiahia ana he tukua noatia atu.